

Inatsisartut Suleriusaanni § 37, imm. 1 naapertorlugu matumuuna Naalakkersuisunut apeqquitit imaattut saqqummiuppakka:

- 1. Illoqarfinni sorlerni Inissiaatileqatigiiffiup Ini A/S-ip ininik akitsuiniarnera Naalakkersuisut oqaatigisinnaavaat?**
- 2. Akitsuinissat ilumoorsimappata qaqugumita pissappat, qanorlu annertutigisumik akitsuisoqassava?**

(Inatsisartuni ilaasortaq Anders Olsen, Siumut)

Tungavilersuut:

Apeqquitit qulaani pineqartut apeqqutigisariaqalersimavakka Ineqarnermut Naalakkersuisoq Nanortalimmi ulloq 9. september 2014 innuttaasunut ataatsimiisitsinermini oqariartuutaasa ilaat tassaammat Inissiaatileqatigiiffiup A/S Inip ininik akitsuiniarnera.

Ukiuni makkunani takornartaajunnaaraluttuinnarpoq innuttaasorpasuit inigisaminniit anisitaasartut tusartarlutigit. Innuttaasut ataasiinnanngitsut ullumikkut kialaamut iserfissaqarumallutik ineqarnermut akinut angummanniartuartillugit pissusissamisuunnngilluinnarpoq akitsuinerinnakkut attartortut ineqartinniartuassallutigit. Inigisaasalu pitsanngoriaataasunik amerlasuutigut malitseqartinneqartannginnerat maalaarutaajuartarmat ilanngullugu oqaatigerusunnarpoq.

Neriullunga apeqquteqaatima ullut suliffiusut qulit iluanni akineqarumaartut.